

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
GRAĐANSKO ODJELJENJE
Broj 70 0 Dn 009610 22 Spp
Sarajevo, 28.03.2023. godine

Vrhovni sud Federacije Bosne i Hercegovine u Sarajevu, odlučujući o prijedlogu Advokatskog društva Greda D.O.O. Konjic za dopunu Odluke o spornom pravnom pitanju u predmetu broj 70 0 Dn 009610 22 Spp, kojeg je ovaj sud primio 22.03.2023. godine, na osnovu odredbi člana 61(c). Zakona o parničnom postupku, te odredbe člana 18. Pravilnika o unutrašnjem sudskom poslovanju Federacije Bosne i Hercegovine i Brčko Distrikta, na sjednici Građanskog odjeljenja održanoj dana 28.03.2023. godine donio je

R J E Š E N J E

Prijedlog za dopunu odluke broj 70 0 Dn 009610 22 Spp od 08.12.2022.godine se odbacuje.

O b r a z l o ž e n j e

Dana 22. marta 2023. godine, na predmet broj 70 0 Dn 009610 22 Spp, Advokatsko društvo Greda d.o.o iz Konjica, dostavilo je prijedlog za donošenje dopunske odluke o spornom pravnom pitanju Općinskog suda u Sarajevu, o kojem je Vrhovni sud zauzeo pravno shvatanje na sjednici Građanskog odjeljenja održanoj dana 08.12.2022. godine. U tom prijedlogu se navodi da se pojavila situacija da notari neće da postupaju u skladu sa čl. 147. st. 2. Zakona o nasljeđivanju kod ugovora o doživotnom izdržavanju, ako taj ugovor nije zaključen u formi notarski obrađene isprave, a sudovi se oglašavaju nenadležnim pozivajući se na odredbu čl. 147. st. 2. Zakona o nasljeđivanju. Advokatsko društvo smatra, da bi, radi ujednačavanja prakse sudova, bilo najjednostavnije izvršiti dopunu odluke 70 0 Dn 009610 22 Spp u smislu da se postupanje po čl.147. st. 2. Zakona o nasljeđivanju odnosi na notare i nadležni sud.

Prijedlog nije dozvoljen.

S obzirom da Advokatsko društvo u ovom predmetu nije bilo predlagatelj, već Općinski sud Sarajevo, da je Vrhovni sud na sjednici Građanskog odjeljenja donio odluku i izrazio pravno shvatanje o postavljenom spornom pravnom pitanju, proizilazi da je navedeni prijedlog za dopunu odluke podnijela neovlaštena osoba i da je zato taj prijedlog nedozvoljen.

Slijedom navedenog Građansko odjeljenje Vrhovnog suda Federacije Bosne i Hercegovine, na sjednici održanoj 28.03.2023.godine, primjenom čl. 61. c) ZPP donijelo je odluku kao u izreci.

Predsjednik Građanskog odjeljenja
Vrhovnog suda Federacije BiH

Radenko Blagojević, s.r.